

Broj: 01-05- /18  
Datum, 27.04.2018.godine

## Z A P I S N I K

sa 11. sjednice V saziva Općinskog vijeća općine Gornji Vakuf – Uskoplje, održane 05. aprila 2018. godine u Velikoj sali općine Gornji Vakuf - Uskoplje, sa početkom u 10<sup>00</sup> sati.  
Sjednici su prisustvovali izabrani vijećnici Općinskog vijeća, Općinski načelnik Čaušević Sead, Sekretar općine Prijčić Senad, Pomoćnici načelnika – Šišić Suad, Milić Nikola, Sofić Osman, Šain Branko, Matijanić Branko, ovlašteni predstavnik SDA Agić Adis, predsjednik OO SDP Gekić Edin, direktor JU Dom zdravlja Zukić Ejub, direktor JU Apoteka Dundović Ivan, direktor JU Centar za socijalni rad Ivo Juričević, direktorica JU Centar za obrazovanje, sport i kulturu Gudić Nermina, direktorica JU Dječji vrtić „Zvončić“ Barnjak Tijana, OSCE Terenski ured Travnik Hadžić Amir, predstavnici medija-RTV Bugojno.

Sekretar općine Prijčić Senad, je izvršio prozivku prisutnih vijećnika, tako da su na sjednici u vrijeme prozivke bilo prisutno 18 vijećnika i to: Manjgo Ramiz, Petrović Haris, Čaušević Merhila, Gafić Maid, Ramić Adnan, Demirović-Spahić Alena, Pidro Muris, Hadžiahmetović Dijamin - SDA, Herceg Josip, Novaković Ana, Batinić Goran, Jurina Danijela, Posavac Ivo, Novaković Marin, Žuljević Ivica – vijećnici Hrvatske liste HDZ BiH, HDZ 1990, HSP BiH i HSS Stjepan Radić, Karamustafić Naser-SDP, Dedić Šeherzada – nezavisna vijećnica, Puljarga Sabahudin-SBB

Odsutno je bilo 5 vijećnika; Idrizović Dževad i Brzika Amra vijećnici SDA, Elez Berislav i Krajina Marinko vijećnici Hrvatske liste HDZ BiH, HDZ 1990, HSP BiH i HSS Stjepan Radić i Kičin Kadir vijećnik SDP-a

Predsjednik Općinskog vijeća Gornji Vakuf – Uskoplje Batinić Goran dao je na usvajanje sljedeći

### DNEVNI RED:

1. Vijećnička pitanja
2. Usvajanje Zapisnika sa 10. sjednice Općinskog vijeća Gornji Vakuf - Uskoplje
3. Izvještaj o radu JU Apoteka za 2017.godinu i Plan rada za 2018.godinu
4. Izvještaj o radu JU Dom zdravlja za 2017.godinu i Plan rada za 2018.godinu
5. Izvještaj o radu i finansijskom poslovanju JU Centar za socijalni rad Gornji Vakuf-Uskoplje za 2017.godinu i Program rada za 2018.godinu
6. Izvještaj o radu JU Centar za obrazovanje i kulturu Gornji Vakuf-Uskoplje za 2017.godinu i Plan rada za 2018.godinu
7. Izvještaj o radu JU Dječji vrtić „Zvončić“ Gornji Vakuf-Uskoplje za 2017.godinu i Plan i program rada za pedagošku 2017/2018.godinu
8. Izvještaj o izvršenju budžeta općine Gornji Vakuf-Uskoplje za razdoblje od 01.01. do 31.12.2017.godine
9. Prijedlog Odluke o izmjeni i dopuni Odluke o utvrđivanju naziva ulica u naseljima Gornji Vakuf-Uskoplje i Batuša – skraćeni postupak
10. Prijedlog Odluke o deficitarnim zanimanjima za Općinu Gornji Vakuf-Uskoplje za razdoblje 2018 – 2020 godina – skraćeni postupak
11. Prijedlog Rješenja o razrješenju;
  - a) Člana Komisije za prostorno planiranje, uređenje i ekologiju
  - b) Člana Komisije za statut i propise
12. Prijedlog Rješenja o imenovanju;
  - c) Člana Komisije za prostorno planiranje, uređenje i ekologiju
  - d) Člana Komisije za statut i propise

Diskusije:-

*Predloženi Dnevni red usvojen jednoglasno sa ( 18 «za» )*

## Ad. 1.

### Vijećnička pitanja

#### Odgovori na Vijećnička pitanja

Šeherzada Dedić - Nezavisni vijećnik

- Nisam dobila odgovor na pitanje koje sam postavila na prošloj sjednici Općinskog vijeća, koje glasi; *Šta je sa Bistama boraca iz NOR-a 1941-1945 koje su nestale ispred Centra za obrazovanje i kulturu?* Ovo pitanje ću ponovo postaviti za narednu sjednicu OV-a.

Muris Pidro - SDA

- Zadovoljan odgovorima

Karamustafić Naser - SDP

- Nisam dobio nikakav odgovor na dva vijećnička pitanja, stoga ću ih ponovo postaviti;

Novaković M.-HL

- Danas na sjednici nema Marinka Krajine, nije dobio odgovor na postavljeno pitanje, stoga je zamolio Općinske službe da mu dostave odgovor na pitanje koje je postavio.

Ramiz Manjgo - SDA

- Zadovoljan odgovorom

#### Nova vijećnička pitanja:

Naser Karamustafić -SDP

1. Da li Općinska izborna komisija ima namjeru pročitati biračke spiskove od umrlih osoba i osoba koje su odjavile prebivalište iz općine Gornji Vakuf-Uskoplje ?
2. Da li Općina Gornji Vakuf-Uskoplje ima strategiju o sprečavanju odlaska ljudi u Općini Gornji Vakuf-Uskoplje ( mladi visoko obrazovanih , radno sposobnih i razočaranih ) u sistem i trenutnu vlast ?
3. Zašto nije postavljen trokosti ležeći policajac u ul.Vrbaska kod Vatrogasnog doma ?
4. Da li Načelnik općine i vlast u vijeću koju čine (SDA,HDZ,SBB) smatraju da bi trebali riješiti zahtjev demobilisanih boraca o ukidanju finansiranja boračkih udruga iz budžeta Općine Gornji Vakuf-Uskoplje ?

Goran Batinić-HL

1. Koje konkretne radnje kao prevenciju poduzima policijska postaja Gornji Vakuf-Uskoplje kad su u pitanju kaznena djela teških krađa, koliko je djela u zadnjih godinu dana rasvijetljeno, koliko je počinitelja pronađeno i da li su u stanju svojim resursima kontrolirati stanje na području naše Općine ili nam je potrebna pomoć ?

Dedić Šeherzada -nezavisna vijećnica

1. Na zahtjev stanara zgrade uz sportsku dvoranu postavlja se pitanje načelniku i direktoru Centra za obrazovanje, kulturu i sport: "Što su uradili po pitanju dimnjaka na sportskoj dvorani?" Dimnjak koji je sada u funkciji predstavlja ogroman problem stanarima koji žive na višim katovima i utječe na njihovo zdravlje.
2. Na moje pitanje što je sa Bistama boraca iz proteklog NOR-a nisam dobila nikakav odgovor i postavljam ponovo isto pitanje ?

KLUB-SDP

1. Iz kojeg izvora sredstava Načelnik i vlast u Općinskom vijeću (SDA,SBB,HDZ) bi trebali početi najavljenju rekonstrukciju gradske ulice, kad nam je svima poznato da Općina nije dobila sredstva od viših nivoa vlasti, niti kredit od komercijalnih banaka za izgradnju iste?
2. Mještani MZ Centar 1 pitaju zašto općinska nadležna služba nije postavila rasvjetna tijela u ulici „Preporodova“ bb, jer poražavajuća je činjenica da se ulica nalazi u samom centru grada, 30 m od Centralne džamije, a da nema gradsku rasvjetu ?

3. Kada će doći do rekonstrukcije ulice "Šehitluci" koja se nalazi kod Gornje džamije ?

### **Nije bilo usmenih odgovora na vijećnička pitanja**

#### **Ad. 2.**

### **Usvajanje Zapisnika sa 10. sjednice Općinskog vijeća**

Diskusije:-

*Zapisnik sa 10. sjednice Općinskog vijeća usvojen je jednoglasno sa ( 18 «za» )*

#### **Ad. 3.**

### **Izvještaj o radu JU Apoteka za 2017.godinu i Plan rada za 2018.godinu**

Dundović I.-ispred izvjestioca

- Iskoristio bih priliku da se izvinem za grešku koju sam napravio prilikom predavanja Izvještaja, greškom sam predao Zaključni list umjesto Bilansi stanja i uspjeha
- Dao je kratko obrazloženje Izvještaja o radu JU Apoteka za 2017.godinu i Plan rada za 2018.godinu

Diskusije:

Pidro M.-ispred komisije za društvene djelatnosti

- Komisija za društvene djelatnosti je na svojoj sjednici održanoj 03.04.2018. godine razmatrala Izvještaj o radu JU Apoteka za 2017.godinu i Plan rada za 2018.godinu, komisija daje pozitivno mišljenje na Izvještaj o radu JU Apoteka za 2017.godinu i Plan rada za 2018.godinu, te predlaže Općinskom vijeću da ga usvoji

Gafić M.- ispred komisije za budžet i finansije

- Komisija za budžet i finansije i ekonomska pitanja je na svojoj sjednici održanoj 03.04.2018. godine, razmatrala je Izvještaj o finansijskom poslovanju JU Apoteka za 2017.godinu, komisija daje pozitivno mišljenje na Izvještaj o finansijskom poslovanju JU Apoteka za 2017.godinu, uz obavezu direktora JU Apoteka da dostavi vijećnicima Bilans stanja i uspjeha, kao obavezan prilog Izvještaja, te predlaže Općinskom vijeću da ga usvoji

Ramić A.-ispred kluba SDA

- Klub SDA nema nekih generalnih niti nekih suštinskih zamjerki na ovaj Izvještaj, jedino imamo zamjerku na nedostavljanje najbitnijeg dijela Izvještaja koji su vijećnici dobili, tj. Bilans stanja i Bilans uspjeha. Vi ste objasnili da se desio previd, ali morate kao odgovorno lice znati šta nam se dostavlja i da povedete računa ubuduće da se to ne ponovi.
- S obzirom na finansijski Izvještaj i sve one napretke koje ste Vi naveli u dostavljenim materijalima, klub SDA daje punu podršku da tako nastavite i ubuduće u vašem radu.

Herceg J.-ispred kluba HL

- Ispred kluba HL podržavamo Izvještaj o radu JU Apoteka za 2017.godinu i Plan rada za 2018.godinu, uz mišljenje da bi stanje moglo biti i bolje.
- Smatramo da JU Apoteka ima budućnost i očekujemo da svake godine ovi Izvještaji budu bolji i to očekujemo od direktora i mislimo da mu treba dati podršku

Batinić G.-predsjednik OV-a

- Dajem na usvajanje sljedeći Zaključak: *Prihvata se Izvještaj o radu JU Apoteka za 2017.godinu i Plan rada za 2018.godinu.*

*Zaključak o Izvještaju o radu JU Apoteka za 2017.godinu i Plan rada za 2018.godinu usvojen je sa većinom glasova ( 17 «za», 1 „suzdržan” , 0 „protiv” )*

#### **Ad. 4.**

### **Izveštaj o radu JU Dom zdravlja za 2017.godinu i Plan rada za 2018.godinu**

Zukić E.-ispred izvjestioca

- Dao je kratko obrazloženje prijedloga Izveštaja o radu JU Dom zdravlja za 2017.godinu i Plan rada za 2018.godinu
- Povećao je se obim naših usluga ( nekih 9 500-10 000 ), tj. starosna populacija korisnika naših usluga i pogotovo pacijenti hroničnih bolesti
- Prisutne su neke hronične bolesti kojih prije nije bilo na našem terenu, potrudili smo se da uspješno odgovorimo i smatram da su korisnici naših usluga zadovoljni

Diskusije:

Pidro M.-ispred komisije za društvene djelatnosti

- Komisija za društvene djelatnosti je na svojoj sjednici održanoj 03.04.2018. godine razmatrala Izveštaj o radu JU Dom zdravlja Gornji Vakuf-Uskoplje za 2017.godinu i Plan rada za 2018.godinu, komisija daje pozitivno mišljenje, te predlaže Općinskom vijeću da ga usvoji

Gafić M.- ispred komisije za budžet i finansije i ekonomska pitanja

- Komisija za budžet i finansije je na svojoj sjednici održanoj 03.04.2018.godine razmatrala Izveštaj o finansijskom poslovanju JU Dom zdravlja Gornji Vakuf-Uskoplje za 2017.godinu i Plan rada za 2018.godinu, komisija daje pozitivno mišljenje o finansijskom poslovanju za 2017.godinu, te predlaže Općinskom vijeću da ga usvoji
- Želim da istaknem da je ovaj Izveštaj o radu JU Dom zdravlja Gornji Vakuf-Uskoplje za 2017.godinu najbolji Izveštaj koji smo mi imali na komisiji i stoga sve pohvale direktoru i zaposlenim

Dedić Š.-nezavisna vijećnica

- Ovaj puta sam stvarno htjeli ostati suzdržana što se tiče Izveštaja o radu JU Dom zdravlja Gornji Vakuf-Uskoplje za 2017.godinu. Međutim nije fer zbog ljudi koji su glasali za mene i koji se žale na rad javnih ustanova
- Izveštaji su napravljeni sa puno hvale. Meni se ljudi ne hvale naprotiv žale se na rad.
- Imam iste primjedbe na Izveštaj kao i prošle godine, ne želim da se ponavljam, čak bi ih mogla i proširiti.
- Želim izdvojiti samo jedan segment a to je izdavanje Ljekarskih uvjerenja za razne potrebe
- U ovom vijeću ima još zaposlenika JU Dom zdravlja, žalosno je da šute o svim radnjama i da ne žele iznijeti svoje mišljenje.
- Neću glasati ni za jedan Izveštaj i smatram da bi na svaki Izveštaj trebalo biti primjedbi, ni jedan nije savršen

Karamustafić N.-SDP

- Ovdje govorim i kao zaposlenik JU Dom zdravlja i kao vijećnik i mogu vam reći da u odnosu na druge Domove zdravlja u okruženju da je naš Dom zdravlja Gornji Vakuf-Uskoplje jedan od boljih i jedan od najuspješnijih u SBK-a.
- Želio bih da istaknem jedan problem u Domu zdravlja a to je problem parkiranja auta u krugu ustanove. Taj problem bi se veoma lako riješio postavljanjem „rampe“ u dijelu gdje je Apoteka. Radnici bi u tom dijelu iza rampe mogli parkirati svoja vozila a u drugom dijelu bi se mogla saobraćati vozila Hitne pomoći.

Ramić A.-ispred kluba SDA

- Mi na klubu SDA smo se potrudili da pribavimo izvještaje o radu i drugih Domova zdravlja sa našeg kantona i da ih usporedimo sa našim Domom zdravlja.
- Možemo reći da je stanje u njima katastrofalno i po obimu pružanja usluga i po finansijskim

i drugim pokazateljima

- Klub SDA daje punu podršku i sve čestitke direktoru i zaposlenim u JU Dom zdravlja Gornji Vakuf-Uskoplje, pogotovo tehničarima

Novaković M.-HL

- Klub Hrvatske liste će podržati ovaj Izvještaj o radu JU Dom zdravlja za 2017.godinu i Plan rada za 2018.godinu
- Što se tiče diskusije vijećnice Š. Dedić, moja kolegica A. Novaković i Ja smo se uvrijedili na navode da glasači kolegice Dedić nisu dobili adekvatnu medicinsku uslugu koju su trebali dobiti
- Liječnička uvjerenja se izdaju na način da i ja pregledam pacijente, ko je zdrav dobije ko nije zdrav nije dobio. Ograđujem se od toga i duboko smo uvrijeđeni

Novaković A.-HL

- Ponosno tvrdim da sam zaposlenik JU Dom zdravlja Gornji Vakuf-Uskoplje
- Neosporna je činjenica da je ovaj Izvještaj odličan, da je poslovanje više nego dobro, na koje trebamo biti svi ponosni bez obzira na činjenicu ko vodi firmu ili ne.
- Svaki pacijent koji nije zadovoljan ima mogućnost da uloži u knjigu žalbi, odnosno u one male sandučiće neke svoje prijedloge, pohvale ili neka svoja nezadovoljstva, pa mi takvih još nismo imali. Pitanje je s kim se Vi družite?

Pidro M.-SDA

- Želio bih samo da pohvalim rad direktora, sa željom da nastave samo tako i od mene imate punu podršku kad je u pitanju ovakav izvještaj

Dedić Š.-replika

- Imam informaciju, imam potvrđeno kako se izdaju Ljekarska uvjerenja. Ko potpisiva ta uvjerenja, ko izdaje ta Ljekarska uvjerenja. To se radi bez laboratorijskih nalaza bez rengenra, bez... Nije mi jasno da se ne konsultuju ljekari specijalisti, potpisuju se bjanko nalazi. Imam sve crno na bijelo, to je činjenično stanje ljudi moji, vi me sada uvjeravate da ja sada ovdje lažem i da sam ja protiv nečega.
- Nije sve tako idealno kako vi mene hoćete ubijediti, mene i ljude na terenu. Potpisiva tehničar, Fikro potpisiva ta Ljekarska uvjerenja i direktor potpisuje za njega.
- Ako treba nek se preispitaju neke stvari ne mogu da se nosim sa ovim da je sve tako krasno, tako idealno.

Zukić E.-direktor

- Nažalost bivša djelatnica naše ustanove koja je zaradila hljeb u ovoj ustanovi iznosi ovakve laži i gluposti, ovo čovjeka malo uvrijedi. Da Fikro potpisuje za mene odnosno da ja potpisujem za Fikru to je malo bezobrazno.
- Moji doktori su tu, mi živimo od ovoga i ako neko ima primjedbe imate inspekciju i neka se žale. Zbog ovakvih i sličnih ljudi prošao sam puno sudova i još se ganjamo na sudu s nekima, ali vam želim kazati da ni jedan slučaj nismo izgubili.
- Odgovorno tvrdim da nikada naši građani nisu bili zadovoljniji na usluge i sve ovo što se radi u JU Dom zdravlja Gornji Vakuf-Uskoplje.
- Trudit ćemo se i u buduće da nastavimo i da budemo još bolji, uveli smo elektronsko praćenje izdavanja recepata i izdavanje lijekova sa esencijalne liste nije nikada bilo bolje.
- Koristim priliku da Vam se zahvalim i da se zahvalim svim svoj zaposlenim, ima nas 84 i nikada Dom zdravlja nije finansijski bolje stajao.
- Zamolio bih Općinskog načelnika da nam se pomogne oko izgradnje rampe kako je N. Karamustafić istakao u svojoj diskusiji da bi i taj problem oko parkiranja što prije riješili.

Batinić G.-predsjednik OV-a

- Dajem na usvajanje sljedeći Zaključak: *Prihvata se Izvještaj o radu JU Dom zdravlja za 2017.godinu i Plan rada za 2018.godinu*

*Zaključak o Izvještaj o radu JU Dom zdravlja za 2017.godinu i Plan rada za 2018.godinu usvojen sa većinom glasova ( 17 «za», 1 „protiv”, 0 „suzdržanih” )*

## **Ad. 5.**

## **Izveštaj o radu i finansijskom poslovanju JU Centar za socijalni rad Gornji Vakuf-Uskoplje za 2017.godinu i Program rada za 2018.godinu**

Juričević I.-ispred izvjestioca

- Dao je kratko obrazloženje Izveštaja o radu i finansijskom poslovanju JU Centar za socijalni rad Gornji Vakuf-Uskoplje za 2017.godinu i Program rada za 2018.godinu
- U bilansi stanja kad su u pitanju prihodi i rashodi ovo što vam je dostavljeno pa se tu nešto baš i ne slaže. Greškom računovođe stoji da smo imali višak rashoda nad prihodima u iznosu od 7 524,00 KM, što nije istina. Istina je i na listu bilans stanja da smo poslovali sa neraspoređenim viškom prihoda nad rashodima u iznosu od 12 863,00 KM.
- Na komisiji za društvene djelatnosti i komisiji za budžet i finansije i ekonomska pitanja istaknuto je da je u Izveštaju o radu trebalo navesti kolika je najviša a kolika je najniža plaća u Centru za socijalni rad. Najviša isplaćena plaća iznosi 1 830,00 KM a najniža isplaćena plaća iznosi 840,00 KM.

Diskusije:

Pidro M.-ispred komisije za društvene djelatnosti

- Komisija za društvene djelatnosti je na svojoj sjednici održanoj 03.04.2018. godine razmatrala Izveštaj o radu i finansijskom poslovanju JU Centar za socijalni rad Gornji Vakuf-Uskoplje za 2017.godinu i Plana rada za 2018.godinu, i o istom je dala pozitivno mišljenje, te predlaže Općinskom vijeću da ga usvoji, uz obavezu direktora ustanove da ubuduće finansijski izvještaj sačini u skladu sa obrascem propisanim Zaključkom Općinskog vijeća

Gafić M.- ispred komisije za budžet i finansije i ekonomska pitanja

- Komisija za budžet i finansije je na svojoj sjednici održanoj 03.04.2018. godine, razmatrala Izveštaj o radu i finansijskom poslovanju JU Centar za socijalni rad Gornji Vakuf-Uskoplje za 2017.godinu i o istom je dala pozitivno mišljenje, te predlaže Općinskom vijeću da ga usvoji uz napomenu koju vam je direktor obrazložio

Karamustafić N.-SDP

- Da li Centar za socijalni rad ima tim saradnika koji umjesto materijalne pružaju i uslužne usluge ( mislim na kuharice, spremačice koje čiste). Imamo niz primjera kada idemo u kućne posjete da je dosta tih ljudi zapušteno, da je prostor u kojem borave zapušten a pouzdano znamo da su korisnici stalne socijalne pomoći. Pitam vas da li postoji taj tim saradnika, da bi se to stanje popravilo kad su u pitanju uslovi u kojima ti ljudi borave.

Manjgo R.-SDA

- Prošle godine sam ja kao vijećnik za Filan Bećira koji je nepokretan (i ostali članovi domaćinstva su nepokretni) pokrenuo postupak priznavanja poslovne sposobnosti i da se uvede u pravo na stalnu socijalnu pomoć. Nadležna komisija zove mene na mobitel umjesto da zovu Centar za socijalni rad, stoga bih zamolio direktora da ubuduće kontaktiraju Centar za socijalni rad kad su u pitanju ovakvi slučajevi.
- Mislim kao što je rekao N. Karamustafić da se sa korisnicima stalne socijalne pomoći može raditi još bolje i da im se poboljšaju higijenski uslovi boravka u prostorima u kojima žive

Gafić M.-SDA

- Na 3. strani u vezi jednokratnih novčanih pomoći za 2017 godinu, bilo je 150 osoba a pomoć je iznosila od 20,00 KM do 350,00 KM što ukupno iznosi 12 000,00 KM. Stoji da su sredstva osigurali Kanton, Centar i Općina. Interesuje me kako se napravi raspored da neko dobije sredstva od Centra, neko od općine a neko od Kantona. Dali ima tu neka kvota pa kad se istroše Općine, onda se prelazi na Centar pa na Kanton, ili to zavisi od slučaja, to mi nije jasno

Juričević I.-direktor

- Zaposleni u JU Centar za socijalni rad shodno sistematizaciji imaju propisane radne zadatke i obaveze
- Mi vodimo računa o svojim korisnicima, istina je da ima dosta ljudi koji nisu u stanju da sami prosuđuju i zato imaju staratelja koji uzima obavezu na sebe

- Osim toga saradujemo sa Crvenim križom općine koji raspolaže sa dosta velikim brojem volontera, sa kojima ugovaramo i dogovorimo takve poslove uređenja prostora u kojima naši korisnici žive. Prošle subote smo trebali očistiti jedan stan, četiri volontera su to trebali uraditi ali im nije omogućeno iz razloga što ih nisu pustili u stan.(sretna okolnost da će se to uraditi sljedeće subote)
- Mislim da je vijećnik Manjgo R. postavio pitanje u vezi rada Instituta za medicinsko vještačenje odnosno komisije. Kada osobe podnesu zahtjev prema Institutu oni tada ostave broj telefona onda oni kontaktiraju osobu koja je podnijela zahtjev. Mi imamo veoma dobru saradnju sa Institutom za medicinsko vještačenje i uvijek sa njima na teren ide i radnik Centra za socijalni rad.
- Svi korisnici socijalne pomoći njih 150 dobilo je sredstva od Centra za socijalni rad ali su sredstva prihodovana od Općine, Kantona i vlastita sredstva Centra.

Manjgo R.-replika

- Interesuje me šta dalje sa osobom o kojoj sam ja govorio, ništa nije riješeno, šta ćemo sa tom osobom, komplet porodici treba pomoći jer nisu dobro.

Batinić G.-predsjednik OV-a

- Dajem na usvajanje sljedeći Zaključak: *Prihvata se Izvještaj o radu i finansijskom poslovanju JU Centar za socijalni rad Gornji Vakuf-Uskoplje za 2017.godinu i Program rada za 2018.godinu*

*Zaključak o Izvještaju o radu i finansijskom poslovanju JU Centar za socijalni rad Gornji Vakuf-Uskoplje za 2017.godinu i Program rada za 2018.godinu usvojen sa većinom glasova ( 17 «za», 1 „suzdržan” , 0 „protiv” )*

## Ad. 6.

### **Izvještaj o radu JU Centar za obrazovanje, sport i kulturu Gornji Vakuf-Uskoplje za 2017.godinu i Plan rada za 2018.godinu**

Gudić N.-ispred izvjestioca

- Dala je kratko obrazloženje Izvještaja o radu JU Centar za obrazovanje, sport i kulturu Gornji Vakuf-Uskoplje za 2017.godinu i Plan rada za 2018.godinu
- 

Diskusije:

Pidro M.-ispred komisije za društvene djelatnosti

- Komisija za društvene djelatnosti je na svojoj sjednici održanoj 03.04.2018. godine razmatrala Izvještaj o radu JU Centar za obrazovanje, sport i kulturu Gornji Vakuf-Uskoplje za 2017.godinu i Plan rada za 2018.godinu, komisija daje pozitivno mišljenje, te predlaže Općinskom vijeću da ga usvoji

Gafić M.- ispred komisije za budžet i finansije i ekonomska pitanja

- Komisija za budžet i finansije je na svojoj sjednici održanoj 03.04.2018.godine razmatrala finansijski Izvještaj o radu JU Centar za obrazovanje, sport i kulturu Gornji Vakuf-Uskoplje za 2017.godinu, komisija daje pozitivno mišljenje o finansijskom poslovanju JU Centar za obrazovanje, sport i kulturu Gornji Vakuf-Uskoplje za 2017.godinu, te predlaže Općinskom vijeću da ga usvoji, uz obaveznu direktorici da u saradnji sa svojim računovođom sredi Bilans stanja i Bilans uspjeha za narednu godinu u skladu sa međunarodnim računovodstvenim standardima.

Herceg J.-član komisije za Statut i propise

- Mi nismo jučer uspjeli održati sjednicu komisije za Statut i propise
- U dnevnom redu za ovu sjednicu stoji;... *Izvještaj o radu JU Centar za obrazovanje ....*, a trebalo bi da stoji;... *Izvještaj o radu JU Centar za obrazovanje, sport i kulturu...*
- Također trebalo je knjižiti sredstva koja su prenesena kad je u pitanju Sportska dvorana, jer ovdje imamo stalnih sredstava 15 000,00 KM, napravljene su određene omaške.
- U devetom mjesecu smo donijeli odluku da ta sredstva prelaze u Centar za obrazovanje,

- sport i kulturu i zbog toga su trebala biti prikazana u Bilansi

Karamustafić N.-SDP

- I na prošloj sjednici kada su bili Izvještaji sam predlagao da se povećaju plaće za radnika i direktoricu iz ovog Izvještaja vidimo da se to nije uradilo. Interesuje me zašto nisu, zbog čega i ko je kriv.

Ramić A.-ispred kluba SDA

- Klub SDA je na svojoj sjednici razmatrao Izvještaj o radu JU Centar za obrazovanje, sport i kulturu Gornji Vakuf-Uskoplje za 2017.godinu i Plan rada za 2018. godinu, klub SDA je daje pozitivno mišljenje, uz preporuku da nastavite tako i u budućnosti, s tim da malo više vodite računa kada je u pitanju ovaj finansijski dio

Pidro M.-SDA

- Želim da kažem da dajem punu podršku na Izvještaj o radu JU Centar za obrazovanje, sport i kulturu Gornji Vakuf-Uskoplje za 2017.godinu i Plan rada za 2018.godinu, samo tako nastavite
- Slažem se sa kolegom N. Karamustafićem da bi trebalo povećati plate za radnika i direktoricu

Gudić N.-direktorica

- Iskoristila bih priliku da se zahvalim Rudniku uglja „Gračanica“ i Općinskom načelniku što je došao na red Centar za obrazovanje, sport i kulturu da se renovira
- Kad su u pitanju plate za radnika i mene direktorice one će biti povećane u 2018 godini, s obzirom da je povećana tranša za Centar za obrazovanje, sport i kulturu Gornji Vakuf-Uskoplje
- Nadam se da ću i ubuduće održati likvidnost naše firme

Batinić G.-predsjednik OV-a

- Dajem na usvajanje sljedeći Zaključak: *Prihvata se Izvještaj o radu JU Centar za obrazovanje, sport i kulturu Gornji Vakuf-Uskoplje za 2017.godinu i Plan rada za 2018.godinu*

*Zaključak o Izvještaju o radu JU Centar za obrazovanje, sport i kulturu Gornji Vakuf-Uskoplje za 2017.godinu i Plan rada za 2018.godinu usvojen sa većinom glasova ( 17 «za», 1 „suzdržan”, 0 „protiv” )*

## Ad. 7.

### **Izvještaj o radu JU Dječji vrtić „Zvončić“ Gornji Vakuf-Uskoplje za 2017.godinu i Plan i program rada za pedagošku 2017/2018.godinu**

Barnjak T.-ispred izvjestioca

- Dala je kratko obrazloženje Izvještaja o radu JU Dječji vrtić „Zvončić“ Gornji Vakuf-Uskoplje za 2017.godinu i Plan i program rada za pedagošku 2017/2018.godinu

Diskusije:

Pidro M.-ispred komisije za društvene djelatnosti

- Komisija za društvene djelatnosti je na svoj sjednici održanoj 03.04.2018 godine razmatrala Izvještaj o radu JU Dječji vrtić „Zvončić“ Gornji Vakuf-Uskoplje za 2017.godinu i Plan rada za školsku 2018.godinu, komisija daje pozitivno mišljenje, te predlaže Općinskom vijeću da ga usvoji

Gafić M.- ispred komisije za budžet i finansije i ekonomska pitanja

- Komisija za budžet i finansije je na svojoj sjednici održanoj 03.04.2018.godine razmatrala finansijski Izvještaj o radu JU Dječji vrtić „Zvončić“ Gornji Vakuf-Uskoplje za 2017.godinu, komisija daje pozitivno mišljenje, te predlaže Općinskom vijeću da ga usvoji uz obavezu direktorici da usaglasi podatke o troškovima zaposlenih, troškove za materijal i usluge iz

bilanse stanja i bilanse uspjeha, kao i obavezu upisa zgrade vrtića u sljedećem Izvještaju u stalna sredstva ( na osnovu Odluke koja je usvojena 07.09. 2017 godine)

Karamustafić N.-SDP

- U dijelu Izvještaja; Preporuke stoji;...*Osnivač je dužan osigurati sredstva...* Ja mislim da bi menadžer firme trebao osigurati sredstva ( za plaće, topli obrok, prevoz, regres i dr)
- Interesuje me kolike su cijene boravka u vrtiću, koliko ima djece
- U izvještaju ste naveli da u vrtiću borave djeca od tri godine starosti do polaska u školu, interesuje me zašto se vrtić ne osposobi za prijem djece do tri godine starosti, zašto se ne osposobe „jaslice“

Pidro M.-SDA

- Želim da kažem da dajem punu podršku na Izvještaj o radu JU Dječji vrtić „Zvončić“ Gornji Vakuf-Uskoplje sa željom da nastave samo tako

Novaković M.-HL

- Dijete od dvije godine nema nikakav imunitet, već drugi dan dijete bi završilo u ambulanti, treći dan u bolnici Travnik ili u Biloj. Jaslice su ne samo odgojna nego i zdravstvena ustanova
- Nije se slučajno odredila starosna dob od tri godine za djecu koja mogu boraviti u dječjim vrtićima
- Ako nam „jaslice“ baš trebaju onda bi neka komisija trebala dati preporuku kako da se to napravi i pod kojim uslovima

Karamustafić N.-replika

- Ja sam govorio da bi dobro bilo da i Gornji Vakuf-Uskoplje ima jaslice, kako to ima Bugojno, Travnik i drugi gradovi.
- Imamo roditelja gdje oba roditelja rade a nemaju kod koga djecu ostaviti, na tom fonu je i ova moja diskusija i trebalo bi da se to napravi

Batinić G.-predsjednik OV-a

- Slažem se da se trebaju povećati plate u JU Centar za obrazovanje, sport i kulturu ali bi isto tako trebalo povećati plate i u JU Dječji vrtić „Zvončić“

Batinić T.-direktorica

- Preporuke su doslovno prepisane iz novog Zakona o predškolskom odgoju i obrazovanju koji je usvojen u augustu 2016 godine
- Cijena boravka za cjelodnevni boravak djeteta u vrtiću od 07-17 sati iznosi 150,00 KM a za poludnevni boravak do 13 sati iznosi 100,00 KM
- Zbog složenosti i socijalne situacije našeg grada i po potrebama roditelja mi smo uveli još dva dodatna boravka koji su jeftiniji, znači cjelodnevni boravak djeteta iznosi 135,00 KM i poludnevni boravak koji iznosi 85,00 KM za roditelje koji dovode djecu poslije doručka
- Trenutno u vrtiću imamo 56 djece i također listu čekanja
- Javni poziv za upis djece će biti objavljen kada nam se ispišu školarci koji najesen kreću u školu
- Smatram da su „jaslice“ vrlo potrebne, veliki su zahtjevi roditelja. Za jaslice će trebati osigurati dodatna sredstva i osigurati odgajateljce (medicinska sestra). Mi smo na zadnjem Upravnom odboru dosta razgovarali o tome( izrada elaborata o isplativosti „jaslica“)

Batinić G.-predsjednik OV-a

- Dajem na usvajanje sljedeći Zaključak: *Prihvata se Izvještaj o radu JU Dječji vrtić „Zvončić“ Gornji Vakuf-Uskoplje za 2017.godinu i Plan i program rada za pedagošku 2017/2018.godinu*

*Izvještaj o radu JU Dječji vrtić „Zvončić“ Gornji Vakuf-Uskoplje za 2017.godinu i Plan i program rada za pedagošku 2017/2018.godinu usvojen sa većinom glasova ( 17 «za», 1 „suzdržan“ , 0 „protiv“)*

## **Izveštaj o izvršenju budžeta općine Gornji Vakuf-Uskoplje za razdoblje od 01.01. do 31.12.2017.godine**

Milić N.-ispred predlagača

- Dao je kratko obrazloženje Izveštaj o izvršenju budžeta općine Gornji Vakuf-Uskoplje za razdoblje od 01.01. do 31.12.2017.godine

Diskusije:

Gafić M.-ispred komisije za budžet, finansije i ekonomska pitanja

- Komisija za budžet, finansije i ekonomska pitanja na sjednici održanoj 03.04. 2018. godine razmatrala je Izveštaj o izvršenju budžeta općine Gornji Vakuf-Uskoplje za razdoblje od 01.01. do 31.12.2017.godine te daje pozitivno mišljenje i predlaže Općinskom vijeću da ga usvoji.

Batinić G.-predsjednik OV-a

- Dajem na usvajanje sljedeći Zaključak : *Prihvata se Izveštaj o izvršenju budžeta općine Gornji Vakuf-Uskoplje za razdoblje od 01.01. do 31.12.2017.godine*

*Izveštaj o izvršenju budžeta općine Gornji Vakuf-Uskoplje za razdoblje od 01.01. do 31.12.2017. godine usvojen sa većinom glasova ( 17 „za“, 0 „suzdržanih“, 1 „protiv“ )*

### **Ad. 9.**

#### **Prijedlog Odluke o izmjeni i dopuni Odluke o utvrđivanju naziva ulica u naseljima Gornji Vakuf-Uskoplje i Batuša – skraćeni postupka**

Prijčić S.-ispred predlagača

- Dao je kratko obrazloženje Prijedlog Odluke o izmjeni i dopuni Odluke o utvrđivanju naziva ulica u naseljima Gornji Vakuf-Uskoplje i Batuša – skraćeni postupak

Diskusije:

Novaković M.-HL

- Podržavam da se riješi ovo pitanje u vezi prijedloga Odluke o izmjeni i dopuni Odluke o utvrđivanju naziva ulica u naseljima Gornji Vakuf-Uskoplje i Batuša
- Treba uskladiti naziv naseljenog mjesta. U Odluci stoji „Potrlica“ a na saobraćajnoj tabli stoji „Podtrlica“, ovo treba uskladiti.
- Smatram da bi trebalo ispraviti gramatičke greške iz Odluke koja je usvojena 2009 godine ( ulica „Kućice“ a treba „Kučice“, ulica „Silvije Strahimira Kranjčevića“ a treba ulica „Silvija Strahimira Kranjčevića“ )

Herceg J.-HL

- Komisija za Statut i propise nije održala sjednicu zbog kvoruma pa ću ja kao vijećnik iznijeti određene primjedbe
- U dnevnom redu i u nazivu same Odluke treba brisati riječ;...*izmjena*... jer to nije izmjena nego je to samo dopuna
- U članu 1. stoji;...*U članu I Odluke...*, a treba ;...*U članu II Odluke...*
- U istom članu stoji; ...*101. Ulica Podtrlica - obuhvata ulicu koja je dio lokalnog puta Gornji Vakuf-Uskoplje – Dobrošin - Voljevac, od raskršća sa magistralnim putem M.16.2. do granice naseljenih mjesta Gornji Vakuf-Uskoplje i Dobrošin*“, smatram da je to trebalo preciznije definisati u ovoj Odluci

*Prijedlog Odluke o izmjeni i dopuni Odluke o utvrđivanju naziva ulica u naseljima Gornji Vakuf-Uskoplje i Batuša – skraćeni postupka usvojen jednoglasno sa ( 18 „za“ )*

## Ad. 10.

### **Prijedlog Odluke o deficitarnim zanimanjima za Općinu Gornji Vakuf-Uskoplje za razdoblje 2018 – 2020 godina – skraćeni postupak**

Milić N.-ispred predlagача

- Dao je kratko obrazloženje prijedloga Odluke o deficitarnim zanimanjima za Općinu Gornji Vakuf-Uskoplje za razdoblje 2018 – 2020 godina – skraćeni postupak

Diskusije:

Novaković A.-HL

- Ne znam koliko imate informaciju da u posljednju godinu, godinu i po do dvije mi smo ostali bez svoja četiri liječnika koji su redovno završili medicinski fakultet. Dva nam rade u Novom Travniku a dva nam rade u Vitezu, tako da nisam sigurna da je kod nas medicina u ovom segmentu deficitarna.

Novaković M.-HL

- Slažem se sa diskusijom A. Novaković. Bilo bi dobro da danas donesemo Odluku da postoji neka grupa ljudi u dogovoru sa Općinskim službama i nekim koji bi išli u škole u četvrtom srednje, gdje bi se učenicima reklo koje su to struke koje su deficitarne na našoj općini.
- Isto tako to bi se moglo uraditi i sa učenicima koji završavaju osmi razred osnovne škole.

Puljarga S.-SBB

- Zahvaljujem službama što su ovo uradile
- Mi u srednjim školama obavezno obilazimo završne razrede osnovnih škola i sada smo uveli praksu da idemo na roditeljske sastanke na kojima prezentiramo zanimanja koja su deficitarna na našoj općini.

Herceg J.-HL

- I u ovoj odluci imamo neusklađenost u dnevnom redu i u odluci. U dnevnom redu stoji ;... *Prijedlog Odluke o deficitarnim zanimanjima za Općinu Gornji Vakuf-Uskoplje za razdoblje 2018 – 2020 godina; a u odluci stoji;... Odluka o deficitarnim zanimanjima za Općinu Gornji Vakuf-Uskoplje za razdoblje 2018 – 2021 godina* , treba ovo uskladiti

Batinić G.-HL

- Odgovorio bih samo kratko kolegici A. Novaković i kolegi M. Novaković da smo mi ovu Odluku radili u saglasnosti sa Kantonalnom službom za zapošljavanje, konkretno kod nas nema niko na birou od doktora, i da u konačnici pomognemo našim učenicima i studentima prilikom dobivanja raznoraznih stipendija

Gafić M.-SDA

- Samo jedna tehnička ispravka u ovoj odluci imamo dva člana 2., trebalo bi dole da stoji ;..član 3.

Batinić G.-predsjednik OV-a

- Dajem na glasanje Prijedlog Odluke o deficitarnim zanimanjima za Općinu Gornji Vakuf-Uskoplje za razdoblje 2018 – 2020 godina

*Prijedlog Odluke o deficitarnim zanimanjima za Općinu Gornji Vakuf-Uskoplje za razdoblje 2018 – 2020 godina usvojen jednoglasno sa ( 18 „za“ )*

## Ad. 11.

### **Prijedlog Rješenja o razrješenju;**

#### **a) Člana Komisije za prostorno planiranje, uređenje i ekologiju**

Herceg J.-ispred komisije za izbor i imenovanje

- Dao je kratko obrazloženje prijedloga Rješenja o razrješenju člana Komisije za prostorno planiranje, uređenje i ekologiju Općinskog vijeća Gornji Vakuf-Uskoplje
- Berislav Elez razrješava se dužnosti člana Komisije za prostorno planiranje, uređenje i

Diskusije:-

*Prijedlog Rješenja o razrješenju člana Komisije za prostorno planiranje, uređenje i ekologiju Općinskog vijeća Gornji Vakuf-Uskoplje usvojen jednoglasno sa ( 18 „za“ )*

**b) Člana Komisije za statut i propise**

Herceg J.-ispred komisije za izbor i imenovanje

- Dao je kratko obrazloženje prijedloga Rješenja o razrješenju člana Komisije za statut i propise Općinskog vijeća Gornji Vakuf-Uskoplje
- Berislav Elez razrješava se dužnosti člana Komisije za statut i propise Općinskog vijeća Gornji Vakuf-Uskoplje.

Diskusije:-

*Prijedlog Rješenja o razrješenju člana Komisije za statut i propise Općinskog vijeća Gornji Vakuf-Uskoplje usvojen jednoglasno sa ( 18 „za“ )*

**Ad.12.**

**Prijedlog Rješenja o imenovanju;**

**a) Člana Komisije za prostorno planiranje, uređenje i ekologiju**

Herceg J.-ispred komisije za izbor i imenovanje

- Dao je kratko obrazloženje prijedloga Rješenja o imenovanju člana Komisije za prostorno planiranje, uređenje i ekologiju Općinskog vijeća Gornji Vakuf-Uskoplje
- Livajušić Vendelin imenuje se za člana Komisije za prostorno planiranje, uređenje i ekologiju Općinskog vijeća Gornji Vakuf-Uskoplje.

Diskusije:-

*Prijedlog Rješenja o imenovanju člana Komisije za prostorno planiranje, uređenje i ekologiju Općinskog vijeća Gornji Vakuf-Uskoplje usvojen sa većinom glasova ( 17 «za», 1 „suzdržan“ , 0 „protiv“ )*

**b) Člana Komisije za statut i propise**

Herceg J.-ispred komisije za izbor i imenovanje

- Dao je kratko obrazloženje prijedloga Rješenja o imenovanju člana Komisije za statut i propise Općinskog vijeća Gornji Vakuf-Uskoplje
- Matijanić Branko imenuje se za člana Komisije za statut i propise Općinskog vijeća Gornji Vakuf-Uskoplje.

Diskusije:-

*Prijedlog Rješenja o imenovanju člana Komisije za statut i propise Općinskog vijeća Gornji Vakuf-Uskoplje usvojen sa većinom glasova ( 17 «za», 1 „suzdržan“ , 0 „protiv“ )*

*Sjednica završena u 11<sup>40</sup> sati.*

ZAPISNIČAR  
Redžić Hidajet

PREDSJEDNIK  
OPĆINSKOG VIJEĆA  
Batinić Goran, mag.nov.